

出舉壹仟伍伯參拾束 利漆伯陸拾伍束 并貳仟貳伯玖拾伍束

遺參仟陸伯玖拾壹束肆把陸分

合定稻穀玖伯壹拾捌斛參斗伍升玖合

穎稻伍仟玖伯捌拾陸束肆把陸分

〔延曆交替式〕太政官符應正稅本稻依舊舉穎事檢案內太政官去年九月十七日下諸國符備自今以後出舉正稅給穀收穀立爲恒例者是則絕租稅耗損之源改吏民填備之弊今被右大臣宣備奉勅如聞稻有早晚各任土宜而盡穎爲穀種子難辨宜本者收穎利者納穀不絕本穎廻充種子其承前之事總納穎稻計帳之日更出令糙甲乙所進丙丁代糙至有欠損糙者填之遂乃富強之人拱手無勞貧弱之家合門受弊自今以後自糙自進本稻之外不得收穎其用盡舊稻一依前符若有過限收穎及遺舊稻者國郡官司科違勅罪損耗賊重者亦計賊科之後任國司阿容受領與同罪者諸國承知依件行之

延曆十八年五月十七日

〔日本後紀平城〕大同元年八月乙酉參議東海道觀察使從三位藤原朝臣葛野麻呂言延曆十七年格出舉正稅給穀收穀立爲恒例者而今奉勅稻有早晚各任土宜而盡穎爲穀種子難辨宜本者收穎利者納穀不絕本穎廻充種子本稻之外不得收穎若有過限收穎者國郡官司科違勅罪者今或國司等偏執此格公廩利稻并年中雜用皆悉令糙其收穎穀之意本爲遠貯而今日勞糙明年盡用徒有民弊曾无公益伏望依延曆十一年十一月廿八日格年中雜用并公廩等稻不勞爲糙以省民弊者許之

〔朝野群載二十六國公文〕主稅寮

勘上野國解文事略

承保三年稅帳注勘文

正稅本穎四十萬束